

Meeqqanut akilersuutit il.il. kiisalu meeravissiarterni tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq

Kapitali 1.

Aalajangersakkat nalinginnaasut

§ 1. Peqqussut manna tunngavigalugu meeqqanut akilersuutinik siumoortumik tunniunneqartartunik imaluunniit meeqqanut akilersuutinik pisortanit tapiissutit tunniunneqartartunik pisinnaatitaaneq makkuninnga piumasaqaateqarfiuvoq,

- 1) meeraq Kalaallit Nunaanni kommunimi aalajangersimasumik najugaqavissuussasoq, tak. kommuni uninngavigisaq aamma kommuni najugarivitaq il.il. pillugit peqqussut, akilersuutinillu tapiissutinilluunniit tiguisinnaatitaasoq Kalaallit Nunaanni aalajangersimasumik najugaqartuussasoq,
- 2) meeraq imaluunniit akilersuutinik tapiissutinilluunniit tiguisinnaatitaasoq qallunaatut innuttaassuseqassasoq, imaluunniit Danmarkip naalagaaffinnut allanut isumaqatigiissuteqarsimanera tunngavigalugu akilersuutinik tapiissutinilluunniit Kalaallit Nunaanni oqartussanit tunineqarnissaminut pisinnaatitaaffeqassasoq,
- 3) meeqqanik inuusuttunillu ikiorsiisarneq pillugu peqqussut tunngavigalugu meeraq angerlarsimaffiup avataanut pisortanit inissinneqarsimassanngitsoq, imaluunniit allatut pisortanit tamakkiisumik pilersorneqassanngitsoq,
- 4) angajoqqaatut oqartussaassuseqartut allaganngorlugu akuersereersimatillugit meeraq meeravissiassatut ilaqutariinni tigummineqassanngitsoq,
- 5) meeqqap angajoqqaavi aappariittut inooqatigiissanngitsut, imaluunniit akilersuisussaataasoq inooqatigissanngikkaa.

Imm. 2. Inuit kikkut akilersuutinik siumoortumik tunniunneqartartunik aamma tapiissutit tunniunneqartartunik pisinnaatitaassanersut kiisalu tunniussinnermi piumasaqaataasut pillugit Naalakkarsuisut malittarisassanik erseqqinnerusunik aalajangersaasinnaapput.

Imm. 3. Akilersuutinik siumoortumik imaluunniit pisortanit tapiissutit peqqussut manna tunngavigalugu tunniunneqartartunik paaqqinniffinnut pisortalluunniit oqartussaasoqarfiinut tunniussisoqarsinnaanngilaq.

§ 2. Peqqussut manna tunngavigalugu tunineqarnissamik qinnuteqaatit qinnuteqartup kommunimi najugarivitaani isumaginninnermi ataatsimiititaliamut tunniunneqartassapput.

Imm. 2. Qinnuteqaatit ulloq tunniussivissaq ukiumik ataatsimik qaangerneqareersoq tunniunneqartut isumaginninnermi ataatsimiititaliap itigartitsissutigisinnaavai.

Imm. 3. Qinnuteqartup kommunia najugarivitaq peqqussut manna tunngavigalugu tunniunneqartartut ingerlanneqarnerinik tamanik isumaginnittuvoq.

§ 3. Kommunimi isumaginninnermi ataatsimiititaliaq akilersuutinik tapiissutinilluunniit pisinnaatitaasunut peqqussummi matumani malittarisassanik ilitsersuissalluni pisussaavoq.

Kapitali 2.

Meeqqap pilersorneqarnissaanut akilersuutitik pisortanit siumoortumik tunniussisarneq

§ 4. Meeqqap pilersorneqarnissaanut akilersuutitik pisinnaatitaasup meeqqat inatsisitigut illersugaanerat imaluunniit aappariinneq pillugu inatsit tunngavigalugu akilersuisussanngortitsineq naapertorlugu qinnuteqaateqarneratigut meeqqap pilersorneqarnissaanut akilersuutitik pisortanit siumoortumik tunniunneqarsinnaapput, akilersuutitik akilerneqarsimaffissaasa aqaguani, akilersuutitik kingusinnerpaamik ullormi akilerneqarfissaanni akilersuisussaataitaasoq akiliisimangippat.

Imm. 2. Akilersuutitik pisortanit siumoortumik tunniunneqarsinnaasut tassaapput § 5-mi nalinginnaasumik amerlassusilerneqarsimasut, apeqqutaatinnagu pineqartumi annertunerusumik akilersuinissamut aalajangiisoqarsimanera.

Imm. 3. Meeqqap pilersorneqarnissaanut akilersuutitik meeqqap 18-inik ukioqalernissaata tungaanut pisortanit siumoortumik tunniunneqarsinnaapput, taamaattorli sivilunerpaamik meeqqap 18-inik ukioqalernerata katinnerataluunniit tungaanut.

§ 5. § 4, imm. 2-mi, akilersuutitik nalinginnaasut imatut nalinginnaasut amerlassusilerneqarput:

- 1) Akilersuutitik ingerlaavartut nalinginnaasut ukiumut 8.247 kr.
- 2) Anaanaasup erninissaa qaammatinik marlunnik sioqqullugu ernineralu qaammammik ataatsimik kingoqqullugu pilersorneqarnissaanut akilersuutitik, qaammammut 548 kr.
- 3) Erninnermut atatillugu aningaasartuutitut akilersuutitik 519 kr.
- 4) Meeqqap kuisinneranut atatillugu akilersuutitik 691 kr.
- 5) Meeqqap apersortinneranut atatillugu assigisaanulluunniit akilersuutitik 2.749 kr.

Imm. 2. Akilersuutitik imm. 1-mi taaneqartut Kalaallit Nunaanni Naatsorsueqqissaartarfiup kisitsit akinut iluarsiiisutaasartuq saqqummiuttaga tunngavigalugu iluarsineqartassapput (naleqqersuut januar 1984 = 100). Januarimi julimilu akinut iluarsiiisut tunngavigalugu ukiut tamaasa 1. april aamma 1. oktober iluarsiiisuteqartoqartassaaq, taamaalilluni akilersuutitik 3%-imik qaffanneqartassallutik appartinneqartassallutilluunniit akinut iluarsiiisutissaq 100 tunngavigalugu pointit ilivitsukkuutaat pingasut qummut ammulluunniit angugaangagit.

Imm. 3. Akilersuutitik akunnaallineqartassapput kronimut ilivitsunut qaninnermut, taamaattorli imm. 1, nr. 1 tunngavigalugu meeqqap pilersorneqarnissaanut akilersuutitik nalinginnaasut suli akunnaallineqartassallutik aningaasanut 12-imik agguarneqarsinnaasunut qaninnerpaanut.

Imm. 4. Akinut iluarsiiisut najoqqutaralugu iluarsiiisutitu atutilissapput akilersuutitut 1. april aamma 1. oktober tunniunneqarsinnaalersunut. Imm. 1, nr. 1 tunngavigalugu meeqqap pilersorneqarnissaanut akilersuutitik ingerlaavartumik tunniunneqartartut nalinginnaasut ukiup af f aani tullermi tunniunneqarsinnaalerf imminni aatsaat aaqqiivigineqartassapput.

Imm. 5. Isumaginninnermut Suliffeqarnermullu Pisortaqarfiup ukiut tamaasa 1. april aamma 1. oktober imm. 1 tunngavigalugu pilersuinissamut akilersuutitik amerlassusiinik atuuttunik tamanut saqqummiussisassaaq.

Kapitali 3.

§ 6. Ataataasumik aalajangiisoqarsimatinnagu imaluunniit akilersuisussaatisoqarsimatinnagu meeqqat inatsisitigut illersugaanera imaluunniit aappariinneq pillugu inatsit tunngavigalugu akilersuutit § 5, imm. 1,-imi taaneqartut pisortanit tapiissutit tunniunneqartassapput. Kisermaaqaq meeravissartaarpat tamanna aamma atuutissaaq.

Imm. 2. Angajoqqaat arlaat akilersuisussaataasorluunniit toquppat akilersuutit § 5, imm. 1,-imi taaneqartut pisortanit tapiissutit aamma tunniunneqartalissapput.

Imm. 3. Angajoqqaat tamarmik toquppata, imaluunniit allamik pissuteqartumik meeqqamut pilersuisussaataasoqanngippat akilersuutit tapiissutit tunniunneqarsinnaanngillat.

§ 7. Akilersuisussaataaneq kisiat aalajangerneqarsimatillugu kuisitsinermut apersortinnermullu akilersuutit ilaqartinnagu, tak. meeqqat inatsisitigut illersorneqarnissaat pillugu inatsimmi § 19, kuisitsinermut apersortitsinermullu akilersuutit § 5, imm. 1, nr.

4-5-imi nalinginnaasumik amerlassuseritinneqartussatut aalajangersarneqarsimasunik amerlassuseqartillugit pisortanit tapiissutit tunniunneqassapput.

§ 8. Meeqqap pilersorneqarneranut tapiissutit meeqqap inuuiani aammalu inuuianit ukiup affaa qaangiukkaangat tunniunneqartussanngortassapput, taamaattorli tunniussineq ulloq tunniussivissaq sioqqullugu ulluinnarmi kingullermi oqartussaqaqfiup tunniussisussap allaffiata ammaffiani pisinnaalluni. Akilersuutit allat akilersuisussanngortitsisoqarsimagaluarpat piffissami aalajangerneqarfigisimasinnaasaraluanni tunniunneqartussanngortassapput inatsit tunngavigalugu.

Imm. 2. Akilersuutit tapiissutit tunniunneqartartut tunniunneqartarneri pillugit Naalakkersuisut malittarisassanik erseqqinnerusunik aalajangersaasinnaapput.

§ 9. Angajoqqaat arlaata imaluunniit akilersuisussaataasup toqunerata kinguneranik meeraq sulisilluni ajoqusersinnaanermut sillimmasiisarfiimmit taarsiivigineqarnermigut pisartagaqartussanngortinneqarpat, pensionisiaqartussanngortinneqarpat allanilluunniit ingerlaavartunik pisartagaqartussanngortinneqarpat tapiissutit akilersuutit tunniunneqartartut pisartagaritneqalersut affaannik ikilineqassapput.

Tunniunneqartartut ukiumut 1.000 kr.-inik sinniisimangitsut matumani naat-sorsuutigineqanngillat.

Imm. 2. Angajoqqaat arlaata imaluunniit akilersuisussaataasup toquneratigut meeraq sillimmasiinikkut aningaasanngorlugit pisassaqaqerpat taarsiissutinilluunniit allanik pisassaqaqerpat, tamatumani kingornussarsiat ilaatinnagit, tapiissutit meeqqap pilersorneqarnissaanut ingerlaavartumik akilersuutit tunniunneqartartut aningaasanngorlugit pissarsiat erniaasigut isertinneqartartut affaannik ikilineqassapput. Erniatigut isertitat ukiumut 1.000 kr. inorlugit amerlassusillit matumani naatsorsuutigineqanngillat.

§ 10. Tapiissutit meeqqap pilersorneqarnissaanut akilersuutit ingerlaavartut pisortanit tunniunneqartartut meeqqap 18-inik ukioqalernissaata tungaanut tunniunneqarsinnaapput, taamaattorli sivisunerpaamik meeqqap 18-inik ukioqalernerata katinnerataluunniit tungaanut.

§ 11. Meeqqap aappariinnerup avataani inunnorsimasup ataassarsiuunneqarnera naammassineqarsimangippat akilersuutit § 5, imm. 1-imi taaneqartut akilersuutininik pisinnaatitaasumut akilersuutit siumoortut tunniunneqarallartassapput akilersuutininik pisinnaatitaasoq ataassarsiuussinerup nalaani akilersuutininik aalajangersaasoqarnissaanik qinnuteqaateqarsimappat. Akilersuutininik pisinnaatitaasup akilersuutit ataassarsiuinerup nalaani aalajangersarneqarnissaat qinnutiginnigpagu.

Imm. 2. Ataassarsiuineq ataassarsuunngortitsinermik akilersuisussannngortitsinermilluunniit inerneqarpat pisortat akilersuutit akilerallakkatik ataassarsuunngortitsinermilluunniit akilersuisussaatitaasumut piunasaqaatigilissavaat. Pisortat meeqqap pilersorneqarneranut aningaasartuutit akilerarunikkat akilersuuteqartitsinissamik aalajangersaqqusinissamik piunasaqarsinnaapput, matumani imm. 1. tunngavigalugu tapiissutinut aningaasartuutigineqartut ilanngullugit.

Imm. 3. Ataassarsiuineq ataassarsuunngortitsinermilluunniit aalajangiinermik inerneqangippat akilersuutit siumoortumik akilerallarneqarsimasut nikisinneqarnatik siunissami § 6, imm. 1 tunngavigalugu akilersuutissat tapiissutit tunniunneqartassapput.

§ 12. Aappariit inooqatigiikkunnaarsimappata, aappaasullu meeqqamik pilersuisuusup aappi meeqqamut akilersuisussannngorteqqullugu qinnutiginnigpagu, tak. inatsit tamatumunnga tunngasoq, § 5, imm.1-imi taaneqartut pisortanit siumoortumik tunniunneqarsinnaapput, naak akilersuisussaatitaasoqarnissaanik isumaqatigiissuteqartoqarsimananiilluunniit aalajangersaasoqarsimangikkaluartoq. Akilersuutilli siumoortumik tunniunneqartartut aatsaat ulloq appariit inooqatigiikkunnaarfippiaat aallarneqfigalugu tunniunneqarsinnaalissapput. §5, imm. 1, nr. 1 tunngavigalugu meeqqap pilersorneqarnissaanut akilersuutit sivisunerpaamik qaammammut ataatsimut siumoortumik taamaallaat tunniunneqarsinnaapput.

Imm. 2. Akilersuisussaatitaaneq aalajangersarneqarpat imaluunniit isumaqatigiissutigineqarpat pisortat akilersuutininik piffissami suliaassap ingerlanerani tunniukkallarsimasaminnik tigusiarnissaminnut pisinnaatitaallissapput.

Imm. 3. Imm. 1 tunngavigalugu akilersuutit siumoortut averusernermi avinnermiluunniit eqqartuussiviup aalajangigaanit amerlanerusut tunniunneqarsimappata nikingassutaasoq pisortat tapiissutinut aningaasartuutaattut aningaasartuutigineqassaaq, tak. § 6, imm. 1.

Imm. 4. Averusernissamut avinnissamulluunniit akuersissutip kingunerisaanik naatsorsuutigineqartoq paarlallugu akilersuisussaatitsisoqangippat imm. 1-ilu tunngavigalugu tunniussisoqartarsimappat aningaasat imm. 2 tunngavigalugu utertillugit akileqquneqarsinnaangitsut akilersuutininik tigusiimasumit utertillugit akileqquneqarsinnaapput, tak. § 26.

Kapitali 5.

*Meeqqap pilersorneqarneranut akilersuutit bapiissutilluunniit tunniunneqartarnissaanni
piunasaqaatit*

§ 13. Isumaginninnermi ataatsimiititaliaq isumaqaruni taamaaliorneq meeqqamut pitsaanerpaasoq

aalajangiisinaavoq peqqussut manna tunngavigalugu siumoortumik pisortanilluunniit tapiissutitut tunniunneqartartut ukiup affakkuutaartumit akulikinnerusumik tunniunneqartassasut. Ataatsimiititaliaq aamma aalajangiisinaavoq tunniunneqartussat aningaasannagornagit inuussutissannorgorlugilli tunniunneqartassasut.

§ 14. Peqqussut manna tunngavigalugu meeqqanut akilersuutit siumoortumik imaluunniit tapiissutitut tunniunneqarnissaannut piumasaqaatit ullormi tunniussivigineqartussami eqquutsinneqarsimassapput.

Kapitali 6.

Meeravissiartaarnermi tapiissutit

§ 15. Meeravissiartaarniartut angerlarsimaffimmini siusinnerusukkut najugaqareersimannigsumik meeravissiartaartut meeravissiartaarnermi qinnuteqarnikkut tapiissutinik pisinnaatitaapput, tapiissutillu taakku § 5, imm. 1 nr. 1 tunngavigalugu meeqqanut ingerlaavartumik akilersuutit nalinginnaasut ukiumoortumik aningaasartaasa sukkulluunniit atuuttut pingasoriaataannik amerlassuseqarput.

Imm. 2. Taamaattorli tapiissutinik pisinnaatitaaffeqarnek meeravissiartaarnerup meeravissiartaarniarneq pillugu Danmarkimi inatsit tunngavigalugu suliniaqatigiif f iit inatsisunik atortitsinnermut ministeriaqarfiup, imaluunniit Isumaginninnermut Suliffeqarnermullu Pisortaqaarfiup akuerisimasai aqqtigalugu meeravissiartaarnerup ingerlanneqarsimanissaanik piumasaqaateqarfiuvoq, kiisalu meeqqap aaneqarneranut/tiguneqarneranut atatillugu angalanermut aningaasartuuteqarnissaat piumasaqaatigineqarluni.

§ 16. Meeravissiartaarnermi tapiissutit tunniunneqarsinnaapput meeravissiartaarniarlutik qinnuteqartut uppersarpassuk meeraq innersuussutiginneqarsimasoq, aammalu meeqqap aaneqarneranut atatillugu angalanermut aamma/imaluunniit najugaqarnermut aningaasartuutit aningaasartuutiginissaat pisariaqartoq pigaluttualerlunilu, imaluunniit meeraq angerlarsimaffimmi tiguneqartoq uppersarneqarpat.

Imm. 2. Naalakkersuisut aalajangersinnaavaat meeravissiartaarnermi tapiissutinut naatsorsuisarneq tunniussisarnerlu pillugit maleruagassiornissaq.

Kapitali 7.

Meeqqanut akilersuutinik akiliisitsiniartarneq

§ 17. Akilersuutit siumoortumik tunniunneqarpata kommuni siumoortumik tunniussisimasoq akilersuisussaataasumik akiliisitsiniarnissaminut pisinnaatitaalissaaq. Taamatuttaaq pisoqassaaq meeraq angerlarsimaffiup avataanut inissinneqarpat, imaluunniit meeraq pisortanit tamakkiisumik pilersorneqarpat.

Imm. 2. Akilersuutit siumoortumik tunniunneqarnerini tunniussinnermut peqatigitillugu akilersuisussaataasooq tunniussineq pillugu allakkatigut ilisimatinneqassaaq, aammattaarlu

ilisimatinneqarluni akilersuutit akilerneqartussanngortut kommunimut akilerneqassasut.

Imm. 3. Meeqqap angerlarsimaffiup avataanut inissinneqarnera pisortanilluunniit tamakkiisumik pilersorneqarnera pissutigalugu kommuni akilersuutitik akiliisitsiniarnissanut pisinnaatitaalerpat akilersuutitik pisinnaatitaasoq aamma akilersuisussaataitaasoq tamanna pillugu allakkatigut ilisimatinneqassapput.

Imm. 4. Kommuni akilersuutitik akiliisitsiniarnissamut pisinnaatitaaffeqalerpat taamatut pisinnaatitaaffik suliassap pisoqalisooresinnaanera eqqarsaatigalugu ukiut 20-t qaangiunneranni nalinginnaasumik pisoqalisooresinnaaneq pillugu malittaarisassat atuutissapput.

§ 18. Ataataassarsiuineq eqqartuussivilluunniit Naalagaaffiullu Sinniisoqarfia aqutugalugu aalajangersaaneq suli ingerlappat akilersuutit § 11. imm. 1 malillugu aammalu § 12, imm. 1, tunngavigalugit siumoortumik akilersuutit tunniunneqarpata kommunalbestyrelsip eqqartuussivik Naalagaaffiup Sinniisoqarfia ilisimatissavaat akilersuutit pisortanit siumoortumik akilerneqarmata, taamaattumillu suliap qanoq inerneqarnera pillugu kommunip ilisimatinneqarnissani kissaatigaa.

§ 19. §§ 17-18 tunngavigalugit kommunip pisassariligai ingerlaannartumik akilersinniarneqassapput. Akiliisitsiniarneq Kalaallit Nunaanni eqqartuussisarnermik inatsimmi tamanna pillugu malittarisassat tunngavigalugit pissaaq.

Imm. 2. Kommunalbestyrelsip pisassarilikkaminik akiligassanngortitsisarnera pillugu Naalakkersuisut malittarisassanik erseqqinnerusunik aalajangersaasinnaapput.

§ 20. Akilersuisussaataitaasoq pissaassutsiminut naleqqiullugu ataavartumik annikitsuaraannarmik isertitaqartarsimanini pissutigalugu akilersuutit akilersuutitik pisinnaatitaasumut siumoortumik tunniunneqarsimasut tamakkerlugit imaluunniit ilaannakortumik akilersinnaanngippagit akilersuisussaataitaasup kommunimi najugarivitaani kommunalbestyrelsi akilersuisussaataitaasup qinnuteqarneratigut akilersuutitik pisinnaatitaasup kommunimi najugarivitaani kommunalbestyrelsimut inassuteqaateqarsinnaavoq akilersuisussaataitaasoq nalunaarf igineqassasoq akilersuinerminik tamaakkiisumik ilaannakortumilluunniit unitsitsigallarsinnaasoq.

Akilersuisussaataitaasoq Nunatsinni najugaqanngippat toqqaannartumik akilersuisussaataitaasup kommunimut najugarivitaanut qinnuteqaat nassiunneqassaaq. Akilersuutitik akiliisitsiniartartup akilersuisussaataitaasup akilersuiunnaartikkallarpagu tamanna kinguartitsigallarnertut isigineqassanngilaq.

Imm. 2. Meeqqanut akilersuutit siumoortumik tunniunneqarsimasut akilernissaasa kinguartinneqarnissaat akuerineqarsinnaavoq akilersuutitik pisinnaatitaasup kommuni najugarivitaani isumaqarpat akilersuisussaataitaasoq meeqqalluunniit akilersuisussaataitaasup pilersussallugit pissaaffigisai akilersuutit tunniunneqarsimasut akilernerisigut inuuniarnikkut atugarissaarpallaaratilluunniit inuussutissaqanngitsut.

Imm. 3. Akiliinissap kinguartinneqarnera pillugu akiliinissamillu kinguartitsiniarluni qinnuteqaatit sularineqarneri pillugit malittarisassat erseqqinnerusut Naalakkersuisut aalajangersassavaat.

§ 21. Akilersuisussaataitaasoq akilersuutit tunniunneqarsimasut akilernissaannut tamakkiisumik ilaannakortumilluunniit kinguartitsinissamut akuerineqarsimappat, akilersuisussaataitaasullu kommunimi najugarivitaani kommunalbestyrelsi pissutsinik akilersuisussaataitaasup akiliinnaassuseqarnerata allatut naliliivigineqarnissaanik tunngavissisunik paasisaqaruni tamanna akiliutinik pisinnaatitaasup kommunitut najugarivitaanut piaartumik nalunaarutigissavaa.

Imm. 2. Akilersuisussaataitaasup kommunimi najugarivitaani kommunalbestyrelsi akiliinissamut tamakkiisumik ilaannakortumilluunniit akuersissuteqarsimappat akilersuisussaataitaasup akiliisinnaassuseqarnera ikinnerpaamik ukiumut ataasiarluni naliliivigineqartassaaq.

Imm. 3. Akiliutinik pisinnaatitaasup kommunimi najugarivitaani kommunalbestyrelsi akilersuisussaataitaasup akiliisinnaassuseqarnerata allatut naliliivigineqarsinnaaneranut tunggaviusinnaasunik paasisaqarpat suliassaq piaartumik naliliivigineqassaaq.

§ 22. Kommunimut akilersuutinillu pisinnaatitaasumut akiligassaalersimasut ilaannaat akilersinniarneqarpata akilerneqarpataluunniit akiligassangorsimasunit tamakkiisunit siumoortumik tunniunneqarsimangitsut siulliullugit kommunip akiliutinik pisinnaatitaasumut tunniutissavai. Taakku tunniunneqarnerisa kingorna sinneruttuusinnaasut kommunip pisassaanut matusissutigineqassapput.

Kapitali 8.

Meeqqanut akilersuutinik siumoortumik tunniunneqarsimasunik isumakkeerinnittarneq

§ 23. Akilersuisussaataitaasoq akiitsoqalersimasoq pensionisiaqartinneqalerpat akilersuutinut akiitsunngorsimasinnaasut pensionisiaqalerneq sioqqullugu akiitsorineqalersimasut isumakkeerneqarsinnaapput akilersuutinik pisinnaatitaasup kommunimi najugarivitaani kommunalbestyrelsi isumaqarpat pensionisiaqartup akiitsuni siunissaq ungasippallaanngitsaq eqqarsaatigalugu naafferarlugit akilersinnaanngikkai.

Imm. 2. Kommunip pensionisiaqartup najugarivitaata pensionisiaqartoq isumakkeerfigineqarnissaminik qinnuteqaateqarnerani ikiussavaa.

§ 24. Akilersuisussaataitaasoq akiliingikkallarnissaminut akuerineqaqqippat, siusinnerusukkullu ukiunit malittuinnarnit marlunnit sivisunerusumik tamakkiisumik ilaannakortumilluunniit akilersuutinut akiitsuulersunik akiliinngikkallarnissaq akuersissutigineqarsimappat akuersissuteqarnermut peqatigitillugu akiliutinik pisinnaatitaasup kommunimi najugarivitaani kommunalbestyrelsip akilersuutinut akiitsuulersimasut akuersineq ukiunik marlunnik sioqqullugu pilersimasut isumakkiissavai.

Imm. 2. Naafferartumik akilersuinissamik aaqqineq, akilersuinermik unitsitsigallarneq assigisaalluunniit tamakkiisumik ilaannakortumilluunniit akiliinngikkallarnissamut akuersissummut naligitillugit sanilliunneqarsinnaanngillat.

Kapitali 9.

Nalunaarutegartussaaneg. utertitsisussaataitaaneq pinegaatissiisarnerlu pilluqit aalalanqersakkat

§ 25. Peqqussut manna tunggavigalugu akilersuutinik siumoortumik tapiissutitulluunniit tunniunneqartartunik qinnuteqartup pissutsit suulluunniit tunniussinermit sunniuteqarsinnaasut nalunaarutigisussaavai.

Imm. 2. Peqqussut manna tunggavigalugu tunniunneqartartunik tamanik pisartut kikkulluunniit pisussaapput pissutsini nammineq meeqqalluunniit atugaani allannguutit tunniuttakkat ikilineqarnerinik tunniunneqartarunnaarnerinilluunniit kinguneqarsinnaasut tamaasa isumaginninnermi

ataatsimiititamut nalunaarutigissallugit.

§ 26. § 25 tunngavigalugu nalunaartussaataitaanermik sumiginnaasimasut, imaluunniit ilisimasaqaraluarlutik nalunaaruteqanngitsoornermikkut peqqussut manna tunngavigalugu tunniunneqartartunik pisimasut aningaasat pisassarinnikkaluarlugit tigusimasatik ingerlaannaq utertillugit akilissavaat.

Imm. 2. Inuk meeqqanut akilersuutinik siumoortumik pisortanit pisimaguni, naak akilersuutit akilersuisussaataitaasumit akilerneqareersimagaluartut, imaluunniit akilersuisussaatsineq meeqqat inatsisitigut illersugaanerit pillugu inatsit tunngavigalugu allannngortinneqarsimappat atorunnaarsinneqarsimalluniluunniit, taava pinerluttulerinermi inatsit tunngavigalugu pillaammik akiliisussannngortitsisoqarsinnaavoq.

§ 27. Kinaluunniit peqqussutip matuma atortinneqarnerani taamatut suliasaqartitaaneq naalakkersuinermit qinigaanikkut pisimagaluarpalluunniit pinerluttulerinermi inatsimmi naalakkersuinermit atassuteqartunut atorfeqarnermit suliasaqartitaanermiluunniit pinerluttuliornerit pillugit aalajangersakkat malillugit akisussaavoq.

Kapitali 10.

Aningaasalersuineq

§ 28. Kapitali 3 aamma kapitali 6 tunngavigalugit aningaasartuutit landskarsip aningaasartuutigissavai.

Imm. 2. Peqqussut manna tunngavigalugu aningaasartuutit allat kommunip tunniussisuusup aningaasartuutigissavai.

Kapitali 11.

Naammaqittaalliuuteqarsinnaaneq

§ 29. Inatsisartut peqqussutaanni matumani kapitalit 1-6 tunngavigalugit aalajangikkat isumaginninnermut tunngasut siulersorneqarnerat aqqissuunneqarnerallu pillugit inatsisartut peqqussutaanni tamanna pillugu malittarisassat nalinnginnaasut malillugit naammagittaalliuutigineqarsinnaapput.

Kapitali 12.

Atortuulersitsineq ikaarsaariarnerlu pillugit malittarisassat

§ 30. Peqqussut manna atortuulersinneqarpoq ulloq 1. juni 1994 aallarnerfigalugu, akilersuutillu ulloq taanna sioqqullugu akilerneqartussannngorsimasut aamma atortuulersitsinermi ilaatinneqarlutik.

Imm. 2. Tamatumunnga peqatigitillugu Meeqqanut akilersuutit il.il. pillugit Inatsisartut peqqussutaat nr. 9, 28. oktober 1982-imeersoq kingusinnerusukkat allannguuteqartinneqartarsimasoq atorunnaarsinneqarpoq.

Namminersornerullutik Oqartussat, ulloq 3. marts 1994.

Lars Emil Johansen

/

Henriette Rasmussen